

B U K I N T E L A N

B A A M L E

B U K I N T E L A N

B A A M L E

Ear je je jen
Kabuñ eo an Jisös Kraist im Armej ro
Rekwojarjar ilo Ran Ko Āliktata
Salt Lake City, Utah

© 2001 jen Intellectual Reserve, Inc.
Aolep jimwe rej bed wōt ibben Kabuñ
Ear jeje ilo United States ilo America

Kwoweppen kajin English: 3/01
Kwoweppen Ukok: 03/01
Ukok in *Family Guidebook*
Marshallese

Men Ko Kobban Buk In

“Baaṃle Eo: Juōn Keañ N̄nan Lal In”	iv
Karōkan im Unin Baaṃle eo	1
Katakin Gospel eo ilo Mweo Imōm	5
Jerbal Ko An Pristhood	13
Kaminene N̄nan ri Tel	16
Baaṃle Eo Einwōt Juōn Miañōn Kabuñ	17
Kaiñi Ko Im Kōjeraman Ko An Pristhood Eo	19
Bōk men ko Mweien Kabuñ in im Kabukōt Melele ko ilo Bwebwenato eo an Baaṃle	27

Kajeded

Buk in Tel Baaṃle eo ej n̄n aolep member ro, enkōbaj n̄n ro ri k̄āl ak ro eja-bwe air melele ilo Kabuñ in. Ej kōllajrak ta unin im an ejak Baaṃle eo im ebed ibben melele in ewi wewin katakin Baaṃle eo kin gospel eo, ewi wewin kōtōb-rak ijoko kunan Baaṃle, ewi wewin an Baaṃle eo maroñ erom juōn bwij ilo kabuñ in, ewi wewin jerbali kien ko im lelok kōjerammōn ko an pristhood.

“Baamle Eo: Juōn Keañ N̄an Lal In”

Ilo 1995, Presidency Eo Kein KaJuōn, im Droulul eo an Ri Jilok Ro Joñoulruo rar je “Baamle eo: Juōn Keañ N̄an Lal In.” Keañ in ej juōn naan in kabuñbuñlok im bar kabin katak ko im kōman ko bwe ri kanan ro emōj air eliji jen jinoin aolepen bwebwenato in Kabuñ in. Ekitbuji bedbed ko elap tokjeir n̄an mōnōnō im jokane eo an kajojo Baamle. Ro uwan Baamle ko reaikuij katak kin keañ in im reaikuij mour kin lōmnak ko ie.

Kim, Presidency eo Kein Kajuōn, im Drolul eo an Ri Jilik ro Joñoulruo ilo Kabuñ eo an Jisōs Kraist im Armej Ro Rekwojarjar Ilo Ran Ko Āliktata, kemij bin ilo am keañ bwe belele eo ikōtan juōn emaan im juōn kōrā ej karōk an Anij im bwe Baamle eo ej drileb in karōk eo an Ri Kōmanman n̄an mour indreo eo an ro nejn.

Aolep armij—emaan ak kōrā—rar ejaak ilo nememein Anij. Kajojo iaer rar jitōb im rej jitōb ko an nejn ro jinier im jemeir ilo lañ, im, eindrein, kajojo iaer ewōr nememein jitōb ibeir im wōr aer mejenkajjik. Oktak in enbwiniar jen dron ek juōn jekjek eo eaurōk n̄an kwalok kadkadier im tokjeir kajojo ilo kar mour eo mokta, mour in, im indreo.

“Ilo mour eo mokta, ajri ro Nejin jetōb rar jelā im rar kabuñjar n̄an Anij einwōt Jemeir Indreo im rar bōk karōk eo An eo me ajri ro nejn remaroñ bōk juōn enbwiniar kaniek im mour ion lal n̄an air eddōk lok n̄an air weppen im kile jemlok ko air einwōt jet ri jolet e mour indreo. Karōk in an Anij n̄an mōnōnō ej kōmaroñ bwe kōtaan ko ilo Baamle eo ren ellā ion lōb. Ewōr kaiñi ko im bujen ko

rekwojarjar ilo temple rej kōman bwe en bidodo an kajojo jeblaak n̄an iben Anij im n̄an Baamle ko bwe ren koba wōt iben dron n̄an indreo.

“Kien eo moktata me Anij ear lelok n̄an Adam im Iv ej ikijien air maroñ ro jined im jemed einwōt leo im lio belele. Kemij kwalok bwe kien eo an Anij n̄an ajri ro nejn bwe ren timōon im wōrlok ion lal ej jañin oktak. Kemij bar kwalok bwe Anij ear kaken bwe kajur ko rekwojarjar n̄an ejaak mour rej bed wōt iben leo im lio, ilo air belele einwōt kemlet iumin kien ko.

“Kemij kameejlok bwe jekjek ko im juōn mour ej ejaak jen i rej karōk jen lañ. Emōj kabin lok ekwojarjar eo an mour im aurōkin ilo karōk eo an Anij kin indreo.

“Leo im lio belele ewōr air eddo n̄an yokwe im kejbarok dron im ajri ro nejier. Ajri ro rej jolet jen Iroj (Sam Ko 127:3). Ro jineir im jemeir ewōr air jermal ekwojarjar n̄an kōkkajirik ajri ro ilo yokwe im jimwe, n̄an kabwe aikuij ko air ilo jitōb im kanniek, n̄an katakin ir n̄an air yokwe im jermal n̄an dron, n̄an kejbarok kien ko an Anij im bwe ren armej ro rej kejbarok

kien ko ijoko rej mour ie. Lomaro im Limaro belele—ro jinen im jemen— naj na ruweir iman Anij ilo air jab kōmane eddo kein air.

“Baamle eo ej ekkar an Anij. Marre ikōtan leo im lio elap tokjen n̄an karōk eo An n̄an mour indreo. Ajri ro rej telloke lotak ilo korak in marre in, im n̄an kōkkajririk ir jen juōn eo jemen ak jinen, ro rej kautiej kalimur in marre eo air ilo ejelok irlōk n̄an jidrik. Mōnōnō ilo mour in Baamle emaroñ tōbrak elañe ej bedbed wōt ion katak ko an Iroj Jisōs Kraist. Marre ko ebin air rub im Baamle ko rej ejaak wōt ion bedbed ko an tōmak, jar, ukwelok, jeorlok bwōd, kautiej, yokwe, jelā nae dron, jermal im makitkit ko reman n̄an kamōnōnōik dron. Jen ankilan Anij, ro jemed rej ro rej bōk eddo in Baamle ko air ilo yokwe im jimwe im ej air eddo n̄an kabwe aikuij ko aer ilo mour im onake eo an Baamle ko air. Ro jined ej air eddo n̄an najidriki katakin ajri

ro nejier. Ilo eddo kein rekwojarjar, ro jemed im jined rej aikuij in jibañ dron ilo ejelok kalijeklok. Mōjono, mij, ak men ko ejelok maroñ ioier, remaroñ kōman bwe jen kōman oktak ekkar n̄an jekjek eo kajojo ebed ie. Ro nukuid ilo Baamle ko reaikuij jibañ n̄e e menin aikuij.

“Kemij kakkōl bwe jabdrewōt eo ej rube bujen ko an kien erreō, eo ej kakkure (abuse) belen ak ro nejīn, ak ro rej likjab in kōtōbrak ijo kunaer n̄an Baamle ko aer bwe juōn ran renaj nae ruweir iman Anij. Bareinwōt, kemij bar kakkōl bwe ejēblōklōk in Baamle eo enaj bōktok n̄an kajojo, jukjukin bed ko, im lal ko, jorren ko einwōt kanaan ko an ri kanan ro etto im ro rainin.

“Kemij kir n̄an ro aer eddo im opija ro an kien ijoko jabrewōt bwe ren iuun manlok kakien ko lami n̄an kejbarok im kōkkajur lok Baamle eo einwōt bedbed in ekkal eo an juōn jukjukin bed.” (*Ensign*, Nov. 1995, 102).

Karōkan im Unin Baamle eo



Karōkan

Baamle eo ej bedbed in ekkal eo an Kabuñ eo an Jisōs Kraist Im Armej Ro re Kwojarjar Ilo Rain Ko Eliktata, im ej bedbed in ekkal eo elaptata tokjen ilo iiaio ko ilo mour kiō im ñan indreo. Anij ear ejaaki Baamle ko ñan bōktok mōnōnō ñan ajri ro nejn, kōman bwe



ren jelā kin bedbed ko rejimwe ilo juōn mejatoto eo elap yokwe ie, im keboje ir ñan mour indreo.

Mōko ej ijo ej make wōt eman ñan kaktakin, jelā, im loze bedbed ko an gospel eo. Ej ijo kajojo rej katak kilen kōtōbrak mōñā, nuknuk, em, im barmenin aikuij ko ej aikuiji. Jemen Baamle, im jinen Baamle ro rej joñan wōt juōn rej aikuij jibañ kajojo uan Baamle eo:

- Bukōt mol eo im kōlaplok tōmak ilo Anij.
- Ukwelok jen jerawiwi ko, pabtais ñan jolok jerawiwi ko, erom juōn uan Kabuñ Eo An Jisōs Kraist im Armej Ro Rekwojarjar Ilo Ran Ko Eliktata.

- Bokake kein ko an Anij, liñiri im katak jen jeje ko rekwojarjar, jar ran otemjej, im jibañ ro jet.
- Konono kake gospel eo iben ro jet.
- Bök köjeraman ko im marre ilo tempel ñan juõn eo e telloke dreloñ temple eo im naj mōttam ñan indreo, ejaake juõn em eo elemõnõnõ ñan Baamle eo, im ejtake Baamle eo kin yokwe im kõjekdron yuk (sacrifice).



- Bukõti melele ko ñan menmenbwij ko kin ro remij im kõmani jermal im kaiñi ko ilo tempel ko kin ir.



- Lelok kadrittolok eo ekkar ñan ejmour ilo jitõb, ibben dron, enbwin, im jitõb eo ejmour.

Juõn jemen eo ej kabwijer pristhood eo ej opija in pristhood eo an Kabuñ. Ej jeban ak patriarch eo an Baamle eo (lale Ri Epsõs 5:23). Einwõt eo ej ri tel in pristhood eo ilo Baamle eo an, ej konono im ej an eddo ñan katakin, köjerarman, im kötõbraki men in aikuij ko ilo mour in ñan Baamle eo. E eo ej tel Baamle eo ilo air bojak ñan air bar jeblak ñan Jemedwij Ilan. Kõrã eo iben ej juõn mōttam, ri jibañe, im ri kabilõk eaurõk. Leo im lio belele rej jimor bök kabilõk jen dron ilo men ko rej jelet Baamle eo im mweo.

Jemen ej aikuij kabwe aikuij ko an Baamle eo ilo men ko an jitõb. Ej aikuij lale bwe ren katak kin gospel eo an Jisõs Kraist im en rejan im jibañ aolep bwe ren bokake kien ko an Iroj.

Juõn jemen eo tellokin ilo Kabuñ in emaroñ kabwijer pristhood eo, eo im ej maroñ kab kajur ñõn jermal ilo etan Anij. Kin maroñ im kajur in, eo jemen ej juõn eo ej ri tel in pristhood ilo Baamle eo an. Juõn jemen eo ej kabwijer pristhood eo emaroñ köjeraman ro uan Baamle eo an im lelok aikuij ko air ikijien jitõb. Kin kajur an pristhood eo ekkar im *kin maroñ eo ri tel eo an pristhood ear lelok ñõn e*, jemen emaroñ:

1. Nae etan im köjeraman ajri ro.
2. Baptaisi ajri ro (im ro jet).
3. Kabin ajri ro (im ro jet) uan Kabuñ eo im lelok ñan ir Jitõb Kwojarjar.
4. Lelok pristhood eo ñan ro nejin (im ro jet) im kabit ir ñan opij ko ilo pristhood eo.

5. Kōjeraman im lelok kwojkwoj eo.

6. Aje lōb ko.

Kin ejelok melim jen ri tel ro ilo pristhood eo, juōn jemen eo ej kabjōr pristhood eo an Melkisetek emaroñ kōjeraman oil im kōjeraman ro uan Baamḷe eo an im ro jet ñe rej nañinmij im lelok ñan ir kōjeraman ko rejenolok ilo bar ien ko jet ñe aikuij eo ej walok. (Lale peij 19–26 ilo buk in tel in ñan kemelele ko kin wewein kōmane kaiñi ko im kōjeraman ko an Pristhood eo.)

Jemen ej lale bwe Baamḷe eo an ej bōk kunair ilo jermal kein jilu an pristhood eo:

1. An im an Baamḷe eo bojak ilo mour in jitōb im kanneik.
2. Jaketo-jaketak gospel eo.
3. Kōtōbrak menmenbwij eo an Baamḷe eo im kaiñi ko an temple ñan ro remour im ro remij.

Kōrā eo emōj kōjeraman e kin maroñ in keotak im kōkkajririk ajiri ro. E ej juōn ej joñan wōt im mōttan im an ri kabilōklōk ñan leo belen. Ej jibañ e ilo katakin ajiri ro kin kien ko an Anij. Elañe ejelok jemen Baamḷe eo ilo mweo, ej an kōrā eo eddo ñan lale Baamḷe eo.

Jemen im jinen Baamḷe eo rej aikuij in juōn wōt ilo kōtōbar ko aer. Kōtōbar eo air ej ñan keboje aolep ro uan Baamḷe eo bwe ren jeblak ñan Jemedwij Ilañ. Rej aikuij koba iben

dron ilo air jerbale kōtōbar in. Iroj ear ejaake Kabuñ in ñan jibañ ro jemen im jinen ñan katakin im onake ro uan Baamḷe ko air.

Ñe ajiri ro rej lotak tok ñan Baamḷe eo, ro jineir im jemeir ren yokwe ir, katakin ir mol ko jen gospel eo, im ren wanjoñokilo mour jimwe. Ajiri ro rej aikuij katak im kejbarok kien ko an Anij. Rej aikuij kautiej im bokake ro jinier im jemeir.

Kajur eo an Kabuñ eo ej bedbed wōt ion Baamḷe ko im kajojojo ro rej mour ekkar ñan gospel eo an Jisōs Kraist. Joñan an juōn Baamḷe bōk kōjeraman ko an gospel eo ej bedbed wōt ion joñan eo jinen im jemen rej melele im kōmane jermal ko air einwōt ro rej jeban juōn Baamḷe. Kabuñ in ej jab aikuij lelok pirokiram ko ak eddo ko ñan ro jinen im jemen Baamḷe eo im renaj bolikier kaki im kabwer ir jen air kōmane ijoko kunair.

Un Eo

Kinke Jemedwoj Ilañ ej yokwe kij, Ej kōnan eo an in bwe jen mōnōnō in dreo einwōt E. Ñan jibañ kij, emōj an letok juōn karōk (plan) bwe jen lore eo ej bedbed wōt ilo kien ko remol an Anij. Ro rej jelā kake karōk in im lore ilo tiljek, remaroñ juōn ran erom einwōt Jemedwoj Ilañ im mōnōnō im mour ilo mour eo ej mour ie.

Mōttan karōk in ear bwe jen ilok jen Ibben ilañ im itok ñan lal in. Ijin, jej bōk enbwinnir, katak jen imenene ko

ad, im kamol bwe jenaj jet ro retelloke
bed ibben Anij bar juōn alen. Jej
kamol ke jej telloke, jen ad kōjērbal
anemkwōj in kelet eo ad im kelet n̄an
kejbarok kien ko An. (Lale Abraham
3:23625; 2 Nephi 2:27.)

Ñan jibañ kij ilo ad keboje kij make
ñan ad mour iben, Jemedwōj Ilañ ear
karōk kōjwōj ilo elōñ Baamle ko.
Baamle ko ion lal rej einlokwōt naj
Baamle ko ad ilo lal eo an Anij
(Celestial Kingdom).

Katakin Gospel eo ilo Mweo Imōm



Iroj ear kakiene ro jined im jemed bwe ren katakin ajiri ro nejier gospel eo. Ear ba:

Toon wōt an ro jemen im jinen wōr nejier ilo Zaion, ak ilo jabdrewōt jiteik (stake) ko an ko emōj kar kajutaki, im rej likjab jen air katakin ir bwe ren melele kake katak ko kin ukwelok; tōmak ilo Kraist, Nejin Anij eo ej mour; im baptais im menin letok eo an Jitōb Kwojarjar ilo air likit pa ko peir ñe rej rualitok air yio, jerawiwi ko renaj bed ion boran jineir im jemeir.

Enaj juōn in kien ñan ro rej jokwe ilo Zion ak ilo jabrewōt jiteik eo an Zion.

Im ajiri ro nejier renaj baptais ñan jolok jerawiwi ko air ilo ien eo rej

tōbar rualitok yio, im bōke pa ko rej likit ioier.

Im renaj bar katakin ajiri ro nejier bwe ren jar, im etetal ilo jimwe iman Iroj (Lale K&K 68:25ō28).

Katak kin Jeje Ko Rekwojarjar ilo Baamle eo



Jemaroñ erom einwõt Jemedwoj Ilañ im mōnōnō kin kain mour eo ej mour kake ilo wõt ñe jenaj kejbarok kien ko me kōjeraman in ej bedbed wõt ie (lale K&K 130:20–21). Mokta jen ad maroñ mour kin kakien kein, jej aikuij in melele kaki.“ Ebin an juōn armej bōk lomor elañe ejab melele” (lale K&K 131:6).

Jisōs Kraist ej ri tel eo ad im ej letok kien. E ejelā ial eo im kakien ko jej aikuij kejbarok, im E ej kir kajojo iad bwe jen lore E. Ear ba, “ Naij ial eo, mol eo, im mour eo; ejelok armej ej itok ñan iben jema, ak kin na” (Jon 14:6). Ñan ad erom einwõt Jemedwoj Ilañ im ñan ad jeblak lok ñan E, jej aikuij katak kin katak ko an Jisōs im lori. Ewōr jeje ko rekwojarjar ñan jibañ kij katak kin mour eo, katak ko, im kien ko an Jisōs Kraist.

Buk ko emen me Kabuñ in ej watōki einwõt jeje ko rekwojarjar rej baibōl eo, Buk in Mormon, Katak im Kalimur ko (Doctrine & Covenants), im Pōōr eo Elap Wōnen (Pearl of Great Price). Rej kemelele kin kien ko an gospel eo im kin joñok ko me jej maroñ jone aolep lōmnak ko, makitkit ko, im katakin ko. Rej jibañ kij katak kin mour im katak ko an Jisōs Kraist im letok wanjoñok ko kin armej ro rar tōmak ilo Anij im kar kejbarok kien ko An.

Jisōs ear katakin kij liñiri im katak kin jeje ko rekwojarjar (lale John 5:39; 3 Nephi 23:1; K&K 88:118).

Baamle ko rej aikuij katak jeje ko rekwojarjar iben dron aolep ran ñan air jelā kake im lore katak ko an Iroj. Ro jemeir ren aini Baamle ko air ilo juōn ien kajojo ran ñan air riit im konono kake jeje ko rekwojarjar. Ro kajojo uan Baamle eo im remaroñ riit eaikuij wōr ien bwe ren riit jen jeje ko rekwojarjar.

Juōn uan Baamle eo emaroñ jar mokta jen riiti jeje ko rekwojarjar im kajitōk iben Jemedwoj Ilañ ñan an kōjeraman kajojo iaer bwe ren melele ta eo ej riiti im ñan kokajurlok nan in kamol eo kake. Baamle ko remaroñ kōnan bwe jar ko an Baamle eo ren kōman elkin air riiti jeje ko rekwojarjar.

Ilo an Baamle ko riit im kōlmenloki jen kake jeje ko rekwojarjar, renaj kōnan erom einwõt Ri Lomor im renaj lo elaplok mōnōnō im aineman ilo mour ko air.

Jar Ko An Kajojo im Ko An Baamle eo

Kajojo iad jej aikuij in katak kilen konono ñan Jemedwoj Ilañ ilo ad jar. Ej yokwe kij im ej kōnan bwe jen konono ñan E. Ej kōnan bwe jen kamolol E kin kōjeraman kein ad im kajitōk jibañ eo An im ñan an tel kij. Enaj jibañ kij ñe jej kajitok. Enañin aolep jar rej kōman ilo ad badrikdrik im kili mejed ilo ien eo jej bukwelolo, jijet, ak jutak.

Jej aikuij in kememej emen bedbed ko elap tokjeir ñe jej jar:

1. Jej jino jar ko ad ilo ad konono ñan Jemewoj Ilañ: "Jememwōj Ilañ. . ."
2. Jej kamolol Jemedwoj Ilañ kin men ko E ej litok ñan kij: "Kemij kamolol yuk. . ."
3. Jej kajitōk iben kin jibañ ko jej aikuij: "Kemij kajitōk Ibam. . ."
4. Jej kili jar eo ilo etan Ri Lomor: "Ilo etan Jisōs Kraist, amen."

Jar ko ad rej jab aolep ien lore buñtōn kein emen, ijoke ilo air bed ilo lōmnak ko ad renaj jibañ kij jelā wewen jar. Jej aolep ien jino im kōjemlok jar ko ad kin buñtōn eo kein kajuōn im eo eliktata, ijoke ta eo jej ba iolap ej bedbed wōt ion eñjake eo ad im elap tokjen. Jet ien, jeaikuij bōk elap ien ilo jar ko ilo ad im kamolole wōt Jemedwōj Ilañ. Jet ien, jej aikuij bōk ien ilo ad jar ñan kajitōk jibañ eo An.

Jar ko an Kajojo



Kajojo armej ej aikuij, driktata, jar iben make aolep jiboñ im jota. Ro jinen im jemen Baamle eo rej aikuij

katakin ajiri ro kōmane jar ko air make ien eo emōkaj tata ñe rej jino konono. Ro jinen im jemen rej katakin ajiri ro kilen jar ilo air bukwelōlō ibeir im kōman bwe ren eliji nan ko. Inem ej jab to, ajiri ro renaj maroñ jar iair make.

Jar ko an Baamle eo



Kajojo Baamle ej aikuij kōmane jar in Baamle eo aolep ran. Aolepen Baamle eo ej bukwelolo iben dron, im jemeir ej kōmane jar eo ak ej kajitōk iben juōn uan Baamle eo bwe en jar. Kajojo ej aikuij wōr air ien ñan kōman jar. Ajiri ro redrik remaroñ bōk konaer ilo an ro jineir im jemeir jibañ ir. Jar an Baamle eo ej juōn ien eo ñan katakin ajiri ro kilen jar im ñan katak kake bedbed ko einwōt tōmak ilo Anij, ko-teik, im yokwe.

Jar ko Rejenolok

Ro jinen im jemen rej aikuij katakin ajiri ro bwm Anij ej bojak ien otemjej ñan roñjaki jar ko air. Ijelokin jar ko air make im ko an Baamle, remaroñ in jar jabrewōt ien rej aikuij jibañ ko rejenolok ak kōnan kwalok air kamolol.

Kōjeraman Mōnā



Kajojo jemen ej aikuij in lale bwe ro uan Baamle eo an ren jelā kamolol Anij kin mōnā ko kijier im kajitōk iben nān an kōjeramani mokta jen air kañi. Kajojo armej, ekoba ajiri ro redrik, rej aikuij in bōk konaer ilo air kōjeraman mōnā ko. Kōmane juōn jar nān kōjeraman mōnā ko ej jibañ ro jinen im jemen im ajiri ro jelā kamolol Jemedwōj Ilañ.

Nukin in Jota



Kajojo Baamle ej aikuij in kōman jar in nukin in jota kajojo wiik. Juōn Baamle emaroñ kōman in juōn armej ak leo im lio belele. Emaroñ kobaik ajiri ro im ro nukuier. Kajojo Baamle, jekdron ta, renaj bōk kōjeraman ilo air kōman jar in nukun in jota. Kabuñ in emōj an kōmakelok ran in Mande ilo

jota bwe en ejelok bar makitkit ko bwe Baamle ko ren koba iben dron nān air jar in nukin in jota.

Presidency eo Kein Kajuōn ear ba: “Kemij kalimuri kom kin elap kōjeraman ko ilo ami lori nan in jiroñ kein an Iroj im kōmane jar in nukun kein an Baamle ko. Kemij jar aolep ien bwe ro jinen im jemen ilo Kabuñ in renaj bōk kunair ilo eddo ko air nān katakin im kōman wanjoñok ko kin bedbed ko an gospel eo nān ro nejier. Anij en kōjeraman kom nān ami tiljek ilo eddo in elap wōt tokjen” (Messages from the First Presidency, “*Family Home Evening Resource Book*, [1983], iv).

Einwōt juōn patriarch nān Baamle eo, ro jemen rej tel. Ej kōmane ak jitōñe juōn uan Baamle eo nān an kōmane jar in nukun in jota eo. Ej katakin katak eo im lelok katak eo nān kōrā eo belen ak ajiri ro ebwe air ritto nān katakin. Kajojo ro reritto ej aikuij wōr air ien in bōk kunair. Ajiri ro redrik lok remaroñ in jibañ ilo wewein ko einwōt jino al, riit jen jeje ko rekwojarjar, uake kajitōk ko, jibwe pija ko, lelok mōnā ko, im jar. Ilo an jemeir bed, ro jineir rej tel.

Juōn lajtrak eo emōj elmokete nān lore ilo nukin in jota:

- Al in Kōbbelok (jen Baamle eo)
- Jar in Kōbbelok (Jen juōn uan Baamle eo)
- Riit Poem ak jeje ko rekwojarjar (jen juōn uan Baamle eo)
- Katak (jen jemen, jinen, ak juōn ajiri edritto)

- Makitkit (tel jen juōn uan Baam̄le eo ak aolep rej bōk kunair)
- Al in kilōk (jen Baam̄le eo)

Jar in kilōk (Jen juōn uan Baam̄le eo)

Kōmaulal Ko

Juōn Baam̄le emaroñ kōmane family home evening in ilo elōñ wewein ko. Jabrewōt makitkit eo ej kobaik Baam̄le eo, ej kōkajur yokwe eo air ñan dron, ej jibañ ir ilo air ebake lok Jemedwōj Ilañ, im ej rōjañ ir bwe ren mour jimwe emaroñ kōman ilo an Baam̄le eo family home evening. Wanjoñok ko kin makitkit ko ekoba riit jeje ko rekwojarjar, konono kake gospel eo, kwalok ñan dron kin nan in kamol ko aer, im kōmani jermal in jibañ ko, al iben dron, im piknik, ikkure an Baam̄le, im etaltal (hiking). Aolep jar in nukin in jota (family home evening) kein ren kobaik tok jar.

Katak ko ilo ien Baam̄le home evening eo remaroñ bedbed wōt ion jeje ko rekwojarjar; nan ko jen ri kanan ro ilo ran kein eliktata, konono ko ilo kwelok eo elap; im iminene ak nan in tōmak ko. Elōñ katak ko rej ioklok wōt lotak, mour, katak ko, im mij ñan jeorlok jerawiwi eo an ri Lomor. Buk ko kin *Bedbed ko an Gospel* im *Gospel Fundamentals*, im buk in mazagine ko an Kabuñ ebed jeje ko im melele ko kin elōñ menin konono ko me remaroñ mōttan wōt katak ko ñan family home evening.

Jet ian menin konono ko ilo ien jar in nukun in jota:

- Karōk Eo Ñan Lomor
- Mour Eo Im Katak Ko An Jisōs
- Ukwelok
- Jar
- Jitlok
- Nan in Meletlet
- Joñok Ñan Mour Eo An Iroj
- Melelele Kwojkwōj Eo
- Juōn -Mōttan-Joñoul
- Kamolol
- Mol
- Kautiej Anij im Kautiej Menin Kōmanman Ko An
- Bojak Ñan Baptais, Ekabit ilo Pristhood, im Marre
- Kebbojak ñōn dreloñ ilo tampel
- Riiti Jeje ko Rekwojarjar
- Kwokwojarjare Ran in Jabōt
- Jeorlok An Ro Jet Bwir
- Bōk im Kwalok Nan In Kamol Ñan Ro Jet
- Kwalok Gospel Eo Ñan Ro Jet
- Aini bwebwenato ko an Baam̄le
- Melele Kake Im Bōke Mij
- Bukōt Mejlan Abañ Ko An Baam̄le
- Karōk Wewein Kōjerbale Monni Ko An Baam̄le
- Aeran Dron Kin Jermal Ko ilo Mweo
- Mōnōnō in roñjake al

Ran in Kakije Ko im Ien Ko Rejenolok

Ran in kakkije ko im ien ko jet rejenolok, einwōt ran in Christmas; Easter; ran in kememe kar jeblak tok eo an pristhood eo; ien kwelok ko; ien ko juōn ian ro ilo Baamle eo rej etal in mission; ak ien lotak, baptais, ak eka-bit ñan juōn uan Baamle eo, remaroñ jet ien ko elap air eman ñan katakin kin mol ko ilo gospel eo.

Juōn -Mōttan-Joñoul im Jortak Ko



Iroi emwij an kakien armij ro An bwe ren kejbarok kien juon mōttōn joñoul im ren erre wōt ñōn air bōk kejeram-mōn ko emwij kallimur kaki (lale Malakai 3:8–11).

Ej juōn ien eo elap an eman ñan ro jinen im jemen ñan katakin kake kien juōn- mōttan-joñoul im jortak ko ej ñe rej kōllā ko aer. Ajiri ro rej kōmane ta ko rej lo an jineir im jemeir kōmani. Ajiri ro rej ebbōk air monni in jibañ jen jemeir im jineir, rej aikuij in kōllā juōn -mōttan-joñoul. Kajojo ajiri eaikuij wōr jilu air jikin kakkon jāan: juōn ñan

juōn-mōttan-joñoul, juōn ñan mission eo air; im juōn ñan aikuij ko air. Kajojo ien ajiri eo ej bōke mani eo an, ej likit 10% ñan juōn-mōttan- joñoul ilo bank eo mokta, inem jet ilo mission account eo, im ijo ebed ej lelok ñan bank account eo ñan aikuij ko an.

Ñe ajiri ro rej kōllā monni in juōn -mōttan-joñoul, ro jinen im jemen ren katakin ir kilen air kanne pepa in juōn -mōttan-joñoul eo, im likit monni eo ilo juōn envelope, im lelok ak jilikinlok ñan juōn uan bishipric ak Branj presidency eo. Baamle ko rej jab bed ilo ward ak Branj rej lelok juōn -mōttan-joñoul ko air ñan ri tel eo an pristhood im emōj kappe.

Konono Ko Ilo Ien Kōjota

Kōjota ko remaroñ ien ko reman ñan konono kake gospel eo. Ajiri jidrik ro rekōnan kajitōk im uak kajitōk ko kin gospel eo. Ñe rej jab jelā uak ko, jemeir im jineir remaroñ lelok uak ko rekadu im katakin ir gospel eo. Ejab kajojo ien kojota otemjej ej wōr konono kake gospel eo, ijoke enaj jibañ Baamle eo jelā kin gospel eo elañe rej konono kake ruo ak jilu alen ilo juōn wiik.

Bwebwenato Ko Ilo Ien Kiki

Kinke enañin aolep ajiri rej yokwe bwebwenato ko ilo ien ko rej iten kiki, ej juōn ien eman ñan katakin ir kin gospel eo ilo ad jiroñ ir ak riiti bwebwenato jen jeje ko rekwojarjar, buk ko an Kabuñ, ak jen imenene ko ilo mour eo am. Bwebwenato ko kin mol, jibañ ro jet, im jouij rej katakin kin bedbed ko elap tokjeir ilo gospel eo.

Jerbal Iben Dron



Elōñ ien ko reman ñan katak kin gospel eo ilo an Baamle eo jermal iben dron ilo mweo. Ilo air karreoik mweo ak jermal ilo melan eo ak jikin kallip eo, ñan wanjoñok, ro jineir im jemeir ren kile ien ko reman ñan air katakin kin gospel eo. Elōñ ien ajiri ro rej kajitōk elōñ kajitōk ko. Ro jinier im jemeir ren aolep ien lelok uak ko rebidodo. Konono ko einwot, ikwe juōn ri jermal eo eman. Ij tōmak bwe Jemedwoj Ilañ elap an utiej buruen kake yuk,â ak ilale mok kodo ko ilañ reaiboujouj im Jemedwoj Ilañ ear kōmani, remaroñ kōman bwe ajiri eo en eñjake an mōnōnō kin Jemedwoj Ilañ im kile bwe ej lukkun mol.

Ien Konjel Ko An Baamle



Ro jemed remaroñ kirtok ro uan Baamle eo ñan air kōmane juōn ien konjel an Baamle eo. Baamle ko remaroñ in kōjermal ien council kein ñan air beke jibadbad kōtōbar eo an Baamle eo, jolok aban ko iloan Baamle eo, konono kake monni, im kōman bebe ko, jibañ dron, im kwalok nan in tōmak ko air, im jar kake dron. juōn ien konjel emaroñ kōman jabdrewōt ien eo emenin aikuuj. Eo jemen Baamle eo eemaroñ kōnan kōmane ien konjel in ilo kajojo ran in Jabōt ak ilo ien an Baamle ko kōmane ien nukun eo an. Kautiej lōmnak ko im eñjake ko an ro jet ej juōn men eo elap tokjen bwe en tōbrak im eman juōn ien konjel an Baamle eo.

Konono Ko Rejelet Kajojo Armej



Elōñ ro jemed rej loe bwe konono ko ilo air make iben kajojo ian ajiri ro elap air jibañ kebake lok jemeir ñan ro nejier ilo an rejan ir, im katakin ir kin gospel eo. Kain konono rot in emaroñ kōman ilo ien eo emenin aikuuj.

Jemen ej aikuij in kwalok an yokwe im liki ajiri eo nejin, im ajiri eo ej bar aikuij in wōr an ien n̄an kwalok eñjake ko an kake menin konono ko, aban ko, im imenene ko. Jemen ej aikuij roñjake im lukkun eoroñ ajiri eo. Jemen im ajiri eo remaroñ in jar iben dron. Aban ko rej walok ilo ien air konono ilo air make im ejelete ro uan Baamle eo, remaroñ in bukōt mejeleir ilo ien an Baamle eo nukun in jota.

Makitkit Ko An Baamle

Jemen ej aikuij karōke ien ko n̄an an aolep ro ilo Baamle eo kōmane men

ko iben dron. Picnic ko, ien camp, pū-rojek ko an Baamle eo, jerbai ilo mweo ak melan eo, tutu iaar, etaltal, im lale pija ko ak menin kalujouj ko jet rej jet ian makitkit ko Baamle eo emaroñ kōmane iben dron.

Juōn Baamle eo ej mōnōnō in kōmane makitkit ko iben dron enaj eñjake elap lok yokwe im mour in karejar. Ajiri ro renaj mōnōnō lok in roñjake ro jineir im jemeir im lore nan in katak ko air n̄e elap lok air ebake ir. Ro jineir im jemeir renaj maroñ in kwalok katak ko kin gospel eo ilo an eman lok.



Jerbal Ko An Pristhood



Mijen eo an Kabuñ in an Iroj ej ñan jibañ aolep armej ñan air itok ñan Kraist. Baamle ko remaroñ in jibañ kadredelok mijen in ilo air:

1. Kabwe aikuij ko air make ilo mour in jitōb im ko an enbwın im jibañ ro jet kin aikuij ko air.
2. Konono kake gospel eo iben ro jet.
3. Lale bwe ro ilo Baamle eo ren bōke kōjeraman ko an temple im jibañ ro nukuer im emōj air mij bwe ren bōk kōjeraman kein.

Aikuij An Jitōb im Kanneik

Aikuij Ko An Jitōb

Mōttan eo iman ilo buk in tel in, iKatakin kin Gospel Eo Ilo Mweo, ã ebed melele ko kin wewein an

Baamle ko maroñ kabwe aikuij ko air ilo jitōb.

Aikuij Ko An Kanneik

Baamle ko rej aikuij in jutak make iair (self-reliance) elañe rej maroñ kabwe aikuij ko an enbwınier im jibañ ro jet. Ñan maroñ lale ir make, ro uan Baamle eo rej aikuij in mōnōnō in jermal. Jerbal ej juōn emakit eo ejelit enbwın, lomnak, ak jitōb. Ej juōn unjen juōn tōbrak, mōnōnō, im jeraman. Ro jinen im jemen rej aikuij kate ir bwe ren make lale ir make im ren katakin ro nejier bwe ren kōmōn einwōt. Make lale kij make enaj komaroñ ir bwe ren maroñ jibañ ro rej bed ilo aikuij.

Lōmaro ewōr nejier rej bōk eddon men ko kōbwebweien mour im kōjba-

rok an Baamle ko. Limaro ewōr nejier ej ijo kunaer ej nōn najidrik im lale ajiri ro. Ren lale bwe en erreō mweo imōn Baamle eo, en wōr mōnā, nuknuk, monni in takto, jikuul, im melele kake wewein kōjērbal monni, katak ko nān kallip mōnā ko kijier. Ro jined im jemed ren katakin ajiri ro wewein keboje mōnā ko im wewein kejbarok nān tokelik.

Ro jined im jemed ren mōnōnō in jērbal nān kabwe aikuij kein an enbwin. ì Ren jab kōtolok bwe ro nejier ren nita ak ejelok ballier. (lale Mosiah 4:14). Ro jined im jemed ren karōke im keboje aikuij ko an Baamle eo ilo ien nañinmij, jorren, ejelok jērbal, im bar aban ko jet. Elañe ewōr aban ko nān an jemen Baamle eo kabwe aikuij ko an Baamle eo im elañe ro jet ilo Baamle eo rej jab maroñ jibañ, emaroñ in bukōt jibañ iben ri tel ro an pristhood.

Ajiri ro remaroñ in jibañ kabwe aikuij ko an Baamle eo ilo air jibañ ro jineir im jemeir kōmane jērbal ko air, kate ir katak ilo jikuul, kejbarok nuknuk ko air im mweik ko air, karreoik ir im mweo imweir im kejbarok air ejmour.

Ro uan Baamle eo ren kōkmanman lok kabel in riit, jeje, im bwinbwin, im ren kate ir ilo bukōt jelālokijen. Ren bokake Nan in Meletlet im bōk mōnā ko wōt rej kejmour. Joñan wōt air maroñ, Baamle eo en kakkon mōnā ko tarin wōt juōn yio in air naj aikuiji. Baamle ko ren kabwijrak air kōman muri, kejbarok nān tokelik, kōtōbrak aolepen aikuij ko air, im kōjērbal ilo jimwe men ko mweir im jab jērwani.

Ro jined im jemed ren katakin ajiri ro bwe ren jelā ajej iben ro jet. Kajojo emaroñ lelok jabrewot, meñe edrik men ko ibeir. juōn wewein nān jibañ ro rej aikuij ej ilo ad jitlok kajojo allin im lelok jortak eo ej jērbal nān najidriki ro rej kwole, ro ejelok imweir, kanuknuk ro ejelok ballier, im kamour ro rej nañinmij. Jej kwalok ad yokwe Iroj ilo ad jibañ ro jet. Ear ba, Ilo am kōmanman jabrewōt nān juōn ian rein ro jatio eriktata, kom ar kōmanman nān io (Matu 25:40).

Kwalok Kin Gospel Eo Iben Ro Jet



Iroj ikijen ri kanan ro ilo ran kein eliktata, emōj an katakin bwe kajojo ro uan Kabuñ in ewōr air eddo nān kwalok gospel eo nān ro jet. Ej jērbal an kajojo armej ro emōj kakkōl ir bwe ren kakkōle ro rituruer (Lale K&K 88:61.). Alma, juōn ri kanan ilo Buk in Mormon, ear kōmelele bwe ñe jej baptais jej mōnōnō in jutak einwōt ri kamol an Anij ien otemjej, im ilo aolep men otemjej, im aolep jikin otemjej (lale Mosiah 18:9).

Ro uan Baamle eo ren kōmane aolep men ko remaroñ nān jibañ ro nukueir,

jeraer, im ro rituruer, bwe ren jelā kin gospel eo an Jisōs Kraist im kōjeraman ko ej buktoki nān mour ko air. Ilo ad kwalok gospel in nān ro jet, ro jined im jemed im ajiri ro rej kōkajurlok nan in kamol ko air im bōktok kōjeraman ko an gospel eo nān ro jet. Baamle ko remaroñ:

- Kwalok wanjoñok ko reman ilo air bokake aolepen kien ko (lale Matu 5:16).
- Mōnōnō kin air uan Kabuñ eo (lale Ri Rom 1:16), im kōman bwe ro jet ren jelā bwe rej member.
- Kajitōk iben ro mōttam elañe rej kōnan jelā kin Kabuñ in.
- Kajitōk iben Iroj bwe en jibañ ir kelet juōn Baamle ak juōn armej eo ebojak in roñjake gospel eo.
- Kwalok kajien Baamle eo ak armej eo eo nān Kabuñ eo ilo jet wewein ko, einwōt kirtok ir nān jar in jota, ak makitkit ko an Kabuñ ilo jota, lelok buk ko an Kabuñ bwe ren riit, ak konono ibeir kin kōjeraman ko an gospel eo.
- Kirtok Baamle eo ak armej eo nān mweo imōn bwe missionary ro ren katak ibben.

Ro ewōr nejier ewōr ijo kunaer nōn keboj ir make im ajiri ro nejier nōn jermal einwōt mijenede ro rej jermal aolep ieu. Nān keboje ajiri ro, elap tata ladrik ro, ro jinen im jemen rej aikuij katakin gospel eo ilo mweo, kōman bwe en wōr an Baamle eo ien katak kin jeje ko rekwojarjar im jar ko, im en ekka air konono kake eddo

ko im kōjeraman ko ilo air kwalok kin gospel ko nān ro jet. Remaroñ in katakin ajiri ro nejier wewein kejbarok monni nān mijen ko air, niknik jermal, im make lale aikuij ko air, im mōnōnō in jermal nān bar armej ro jet.

Kaiñi Ko ilo Tempel Nān Ro Remour Im Ro Remij



Ilo tempel ko, ro uan Kabuñ in retel-loke (wōrthy) rej bōk kaiñi ko rekwojarjar im kōmani bujen ko iben Anij. Rej bareinwōt bōk kunaer ilo jermalin kien eo nōn ro nukuij im emōj air mij. Ijowōt emaroñ, jined im jemed rej aikuij in kōman air *temple recommend* jen ri tel ro an pristhood im etal nān tempel eo in bōk kaiñi ko aer ilo tempel. Elañe rej jab maroñ etal nān temple, rej aikuij in mour ilo jimwe bwe ren maroñ bōk temple recommend in.

Baamle ko ewōr air eddo ko rekwojarjar nān kōman bwe kakien in temple ko rej kōman nān ritto ro air im emōj air mij ak rej jañin kar bōk kakien kein. Ro uan Kabuñ eo im emōj air bōke kakien kein rej aikuij bar rol nān temple eo ilo ien eo alikar nān air kōmane kakien kein nān ritto ro air.

Ro jemen im jinen rej aikuij in aini rekot ko emōj jei kin ien ko elap tok-jeir ilo mour ko air im mour ko an ajiri ro nejier, ekoba pepa ko rej kwalok kin kōjeraman ko, air baptais, air ekabit, mare, im mij; leta ko elap air ñe; pija ko; news im melele ko. Rej kobaik iben dron im rejan kajojo ian member in Baamle eo bwe ren kejba-

rok bwebwenato ko air. Ren jibañ ajiri ro redrik lok bwe ren jino bwebwenato ko air make.

Baamle ko rej aikuij aini melele ko kake ritto zo air etto im kobaik ilo bwebwenato in Baamle ko air. Renaj jino aini melele ko ikijen ebebenko emen an tōre in.

Kaminene Ñan ri Tel



Iumin tel an mijen eo, district, im ri tel ro an jiteik, ri tel ro an drolul (quorum)

ko an pristhood eo rej katakin kajojo jemen Baamle bwe ren melele im kōmani jilu jerbāl an pristhood eo ilo Baamle eo an (Lale peij 13–16). ri tel rein an pristhood rej aikuij katakin ro jemen wewein tel Baamle eo an einwōt juōn ra an Kabuñ in. Elañe Baamle eo ejab jokwe ilo juōn Branj, ward, mijen, ak district inem ri tel ro an jiteik rej aikuij lale bwe ro jemen ren katak im kōmane eddo ko air.

Baamle Eo Einwöt Juōn Miañōn Kabuñ



Jet Baamle rej jab bed ilo juōn kumi, Branj, ak ward. Kin maroñ eo jen mission, district, ak prejiten eo an jiteik, Baamle kein remaroñ in kōman air jar in Jabōt ilo mwōko imeir. Ñe jemen Baamle eo ej kabwijer pristhood eo ekkar, Baamle eo emaroñ makitkit einwöt juōn radrik an Kabuñ in. Jemen ak bar juōn ri tel eo ej kabwijer pristhood eo emaroñ keboje im kōjeraman kwojkwoj eo elañe ej telloke, ej juōn pris ilo Aronik Pristhood eo ak ej kabwijer Melkisetek Pristhood eo, im ewōr an melim jen ri tel ro an pristhood. Jabrewōt ro rej kabwijer pristhood eo remaroñ jaketo-jaketak kwojkwoj eo. Nan in kōmelele ko ñan kōmane kwojkwoj eo rebed ilo peij 22–24 ilo buk in tel in.

Jar in Jabōt ej aikuij in melak ilo kōmane, lap jitōbōn kautiej ie, im juōn eo elap kile. Emaroñ kōman einwöt in:

1. Al in Kōbbelok
2. Jar in Kōbbelok
3. Kōjeraman im kwojkwoj
4. Juōn ak elōñ ian men kein:
 - Juōn ak ruo konono ko ak nan in kamol ko
 - Riit jen jeje ko rekwojarjar im konono jen juōn Baamle
 - Juōn katak jen uan Baamle eo
5. Al in Kilok
6. Jar in Kilok

Ilo karōk ien jar in Jabōt, jemen Baamḷe eo ej aikuij bukōt tel jen Jitōb eo an Iroj. Armej ro ilo Buk in Mormon rar kōmane juōn wanjoñok: in kwelok ko air rar kōmani ilo lor jermal ko an Jitōb, im kajur eo an Jitōb Kwojarjar; bwe eindrein kajur eo an Jitōb Kwojarjar ar tel ir ilo air kwalok, kauwe, ilo jar, ilo ettā, ilo al, ilo we-wein in rar kōman.î (Moronai 6:9).

Baamḷe eo ej aikuij kōjerbale jeje ko rekwojarjar einwōt un in tel eo air. Bar juōn, remaroñ in kōjerbale melele ko ilo kwelok ko rellab, nan ko, im jeje ko jen gospel eo, buk ko an Kabuñ, im bar jeje ko im pija ko kōmman in Kabuñ in.

Elañe ejelok ilo Baamḷe eo ej kabwijer pristhood eo ekkar, eo jemed ak jined emaroñ aini ro uan Baamḷe eo bwe ren al, al in jar, katak jeje ko rekwojarjar, jar, ak kebak dron ñan Jemedwoj

Ilan. ri tel eo ewōr Pristhood iben im emōj kelete ñan Baamḷe eo, enaj kōman ien ñan an Baamḷe eo kwoj-kwoj.

Ro jinen im jemen juōn Baamḷe rej aikuij kōman activity kajojo wiik, einwōt etaltal (hike), picnic, lolok ro nukuiet, ikkure im kejañjañ im tutu iar (aḡ).

Baamḷe eo ejjab bed ilo ward ak Branj ko, rej lelok juōn-mōtan-joñoul im jortak ko air ñan ri tel in pristhood eo emōj jitōne.

Baamḷe ko rej jab kōmman ripot ko jei ñan Kabuñ in, ak, jabdrewōt ien eo wōt emaroñ, eo jemen Baamḷe eo ej kōmane juōn ien konono eo an kin pristhood eo (priesthood interview) iben ri tel eo an pristhood eo emōj kelet driktata elkin jilu allin ko me ej kōmane ripot ko kin Baamḷe eo an.

Kaiñi Ko Im Kōjeraman Ko An Pristhood Eo



Kaiñi ko an Pristhood rej jerbal ko re-kwojarjar letok jen Iroj im kōman jen maroñ eo an pristhood. Kōjeraman ko an pristhood rej litok jen maroñ eo an pristhood ñan an kejmour, kaineman, im röjañ. Ro rej kōmane kaiñi kein im kōjeraman kein rej keboje ir make ilo air mour ekkar ñan bedbed ko an gospel eo im niknik ilo tel ko an Jitōb Kwojarjar. Rej kōmani kaiñi im kōjeraman kein ilo wewein eo ejijjet im lore jekjek kein; kien eo ej aikuij in:

1. Kōman ilo etan Jisōs Kraist.
2. Kōman kin maroñ eo an prishood.
3. Kōman ilo an lore karōk ko, einwōt kōjebale nan ko wōt rekkar ak kō-

jerbale oil eo wōt im emōj kōjono-lok e.

4. Kōmaroñ jen juōn ri tel in prishood eo emōj jitōne eo ej kabwijer ki ko, elañe emenin aikuij.

Kaiñi kein me rej aikuij melim eo an ri tel eo an prishood rej ñan nae etan im kōjeraman ajiri, kōmani baptais ko, im kabin ko (confirmation), lelok pristhood eo im kabin ñan juōn opij an prishood, kōjeraman, im lelok kwojkwoj, im aje lōb ko.

Kaiñi ko im kōjeraman ko kemelele kaki ilo mōttan in renaj jibañ ro jemen Baamle ko kōmane jerbal ko air einwōt petriark ro ilo Baamle ko air.

Nae Etan Im Kōjeraman Ajiri Ro



Kajojo member in Kabuñ eo an Kraist im ewōr nejeir ajiri rej bōktok ajiri rein iman Kabuñ eo, ñan elder ro, ro rej likit peir ioier ilo etan Jisōs Kraist im kōjeraman ir ilo etan ri Lomor. (lale K&K 20:70). Ilo lore modenlok in, eman ro wōt rewānik im rej kabwijer Melchizedek Prishood eo remaroñ bōk kunair ilo *nae etan, im kōjeraman ajiri ro. Kaiñi eo ñan nae etan im kōjeraman ajiri ro rej aikuij bōk maroñ eo jen eo eutie j (presiding authority).*

Ilo ien kōjerammōne juōn ajiri jidrik-drik, emman ro ewōr air Prishood eo an Melkisetek ren ae ilo juōn doulul im debij ajiri eo ilo peier. Ñe rej kōjerammōn juōn ajiri eo eritto, emman ro ren likit peier ion bōran ajiri eo ijoke en jab eddo. Armej eo ej lelok kōjeraman eo:

1. Ej kir ion Jemedwōj Ilañ.
2. Ej ba bwe kōjeraman eo ej lelok kin kajur eo an Melchizedek Prishood.
3. Ej lelok juōn etan ajiri eo.

4. Ej lelok kōjeraman an prishood einwōt an Jitōb tel e.
5. Ej kili ilo etan Jisōs Kraist.

Baptais



Iumin tel eo an eo eutie j (presiding authority eo), juōn pris eo etelloke ak eman eo ej kabwijer Melchizedek Prishood eo emaroñ komone baptais eo. Ñan kōmane menin, ej:

1. Jutak ilo dren eo iben armej eo ej iten baptais.
2. Bwe en ejelok jorren, ej jibwe juren (wrist) tuanbwijmaroñ in pein armej eo kin l uanmin in pein; armej eo ej baptais ej jibwe juren tuanmin in pein eo ej kōmane baptais eo kin tuanmin in pein.
3. Ej kotak tuanbwijmaroñ in pein bwe en jukaea.
4. Ej ba likiō in etan armej eo im ba, ì Einwōt emōj kōmaroñ iō jen Jisōs Kraist, Ij baptaisi yuk ilo etan Jemen, im Nejin, im Jitōb Kwojarjar. Amen. (D&C 20:73).
5. Kōman bwe armej eo en bineje botin kin tuanbwijmaroñ in pein; eo ej kōmane baptais eo ej likit tuanbwijma-

roñ in pein ilōñ itulik in armej eo im karimloke bwe en jako lok ilo dren eo, ekoba nuknuk ko an.

6. Ej jibañ armej eo ilo an walok jen dren eo.

Ruo pris ak eman ro im rej kabwijer Melchizedek Pristhood eo rej bed im kamol (witness) kajojo baptais ñan lukkun lale bwe en jijjet im jimwe kōmane. Baptais eo ej aikuij in bar kōman elañe ear jab jimwe ba nan ko einwōt an walok il Doctrine and Covenants 20:73 ak elañe mōttan enbwinin armej eo ak nuknuk ko an rar jab rumlok ilo dren. Armij eo ej baptais im armij eo ej kōmōne kōjeram-mōn eo ren ekk ònak nuknuk mouj eo ejjab alikkar loan ñe ej tutu.

Kabine



Ro emwij air baptais im dettair ruatinjuōn air yiō im rittolok im ro rej rualitōk air yiō im jemeir im jinier rejjab member rej kabin ir ilo ien kwoj-kwoj eo (lale K&K 20:41). Ajiri ro rualitōk air yiō remaroñ kabin ir elkin wōt air baptais ilo wōt ijo jikin baptais eo ej bed ie elañe juōn ian rojemen im jinen ej member in kabuñ in

im elañe aolepeirro rej kōmelim baptais im kabin eo. Iumin tel an Branj prejiten eo, juōn ak elōñ l eman ro rej kabwijer Melchizedek Pristhood eo remaroñ kōmane kakien in. Rej likit peir ion boran armej eo. Eo ej kōmane kaiñi in:

1. Ej ba likieo in etan armej eo.
2. Ej ba bwe kaiñi eo ej kōman jen maroñ eo an Melchizedek Pristhood.
3. Ej kabin armej eo einwōt juōn uan Kabuñ eo an Jisōs Kraist im Armej ro Rekwojarjar Ilo Ran Ko Āliktata.
4. Ej lelok menin lelok an Jitōb Kwojarjar ilo an ba, ì Kwōn bōk Jitōb Kwojarjar.î
5. Ej lelok kōjeraman an pristhood eo einwōt an Jitōb tel e.
6. Ej kili ilo etan Jisōs Kraist.

Lelok Pristhood eo im Kabit Bar Juōn Ñan Juōn Opij an Pristhood



Branj prejiten eo ej bōk eddo in lelok Aronik Pristhood eo im kakien ko ñan opij ko an dikōn, ri kaki, im pris. Mokta

jen juōn armij bōk melim nōn jermal ilo juōn opij ilo Pris eo an Aronik pre-jiten eo an Branj ej aikuj etale kin jet kajjitōk ko im lo bwe erre.

Bareinwōt, member ro ilo Branj eo rej aikuij in rejtake ilo kwelok in kwoj-kwoj eo. Kin melim eo jen prejiten eo an Branj, juon pris emaron lelok prishood eo an Aronik nōn juōn emman im kōmelimi nōn jermal ilo juōn opij ilo prishood eo an Aronik.

Mijen prejiten eo ak district prejiten eo ej bōk eddo in lelok Melchizedek prishood eo im kakien ko nān opij ko an elder.

Nān lelok prishood eo ak kabin juon armej nān opij eo an prishood, juōn ak elōn lok eman ro rej kabwajer prishood eo im emōj kemaroñ ir jen eo eutiej (*presiding authority*), rej likit peir ion bōran armej eo. Eo ej kōmane kaiñi eo ej:

1. Ba etan likieo in etan armej eo.
2. Ba maroñ eo (Aronik ak Melchizedek Prishood) me kabin eo ej kōman kake.
3. Lelok Aronik ak Melchizedek Prishood eo, ejelokin wōt elañe emōj kar lelok imanlok.
4. Kabit armej eo nān opij eo ilo Aronik ak Melchizedek prishood eo im lelok jimwe ko, kajur ko, im maroñ eo an opij eo.
5. Lelok kōjeraman an prishood eo einwōt an Jitōb tel.
6. Kili ilo etan Jisōs Kraist.

Kwojkwoj



Kwojkwoj eo ej juōn kaiñi elap an ekwojarjar. Ilo an armej eo bōk kwoj-kwoj, ej kakememey mour eo, katak ko, im binmour an Jisōs Kraist. Ej juōn ien nān kokāāl bujen ko jar kōmani iben Iroj ilo ien eo jaar baptais (lale Mosiah 18:8–10).

Ri Khaki ro im pris ro remaroñ keboj kwojkwoj eo; pris ro remaroñ kōjerammōne; im dikon ro, ri kaki ro, im pris ro remarōn leto letak. Emman ro ewōr air prishood eo an Mechizedek remaroñ keboj, kōjerammōn, im leto letak kwojkwoj eo bōtab jijjet eo in bwe remaroñ bōk kunaer ñe ej jabwe ro uan prishood eo an Aronik. Elañe juōn armij ear kōmōne juōn bwit lap-lap eban keboj, kōjerammōn, ak leto letak kwojkwoj eo mae ien emwij an ukwelok im karreo ibben prejiten eo an Branj.

Ro rej keboj, kōjerammōn, ak leto letak kwojkwoj eo rej kōmōne kien in nōn ro jet ilo etan Iroj. Kajojo ian ro rej kabijer prishood eo ej aikuij kebaklok jermal in ilo mantin kaurōk im kautiej. Ej aikuij emōn kōjellin, en

erreo, im en kōnak nuknuk ko emōn wewier. An walok jekjekin ej kwalok an kien eo ekwojarjar.

Lōmaro jeid jatid (brethren) me rej keboj kwojkwoj eo rej aikuij in keboje mokta jen an ijino kwelok eo. Ren likit bilawe wo ejjañin tibdrikdrik ilo nien ko rerreo im ren likit nien kap in kwojkwoj ko ewōr dren ie na ion tebōl in kwojkwoj eo. Ren kalbubuiki bilawe im dren eo kin juōn nuknuk erreo im mouj.

Ilo ien eo ej bellok al in kwojkwoj eo, ro ilo tebōl in kwojkwoj eo ren kōmakit nuknuk jen eon nien bilawe im tibdriki bilawe ñōn mōtton jidrik. Elkin al eo, armij eo ej kōjerammōn bilawe eo en bukelōlō im ba jar in kwojkwoj eo an bilawe eo. Lōmaro jeid im jatid kiō rej leto letak bilawe eo ñōn ro rebed ilo juōn wewin kautiej im emōn jokkin. Eo ej kabjer maroñ eo eutej ilo kwelok eo e eo enaj bōk kwojkwoj eo moktak. Elañe emwij an aolep ro rej bed ñōn eon tebōl in kwojkwoj eo. Ro rej kōjerammōn kwojkwoj eo rej bar kalbubu nien bilawe ko elkin wōt an mwij lito litak.

Ro ilo tebōl in wojkwoj eo rej kōmakit nuknuk eo jen eon nien dren ko. Armij eo ej kōjerammōn dren eo ej bukelōlō im ba jar in kwojkowj eo an dren eo. Lōmaro jeid im jatid kiō rej leto letak dren eo ñōn ro rebed. Nien dren ko rej kōrolitok ñōn tebol in kwojkwoj eo im rej bar kalbubuiki. Lōmaro jeid im jatid im rej kōjerammōn im leto letak kwojkwoj rej kiō bōk jikier ibben droulul in armij ro jet.

Kwojkwoj eo ej ñōn ro jej member in kabuñ in, ekoba ajiri ro. Armij eo ej onake kwelok eo en jab ba bwe kwojkwoj eo ej ñōn member ro wōt; ejjelok juōn men enaj kōmōn ñōn kabōjrak ro rejjab member jen air bōk kwojkwoj eo.

Jar in kwojkwoj ko rej aikuij in ba ilo alikkar, ilo jimwe, im kin kautiej. Elañe armij eo ej kōjerammōn kwojkwoj eo ewōt juōn an bwit ilo nan im ejjab kajimwe, prejiten eo an Branj eo en kajjitōk ibben bwe en bar elij jar eo im en jimwe an kwalok.

Jar eo ñan bilawe eo ej einwōt in:

O Anij, Jemem Indreo, kemij kajitōk Ibam ilo etan Nejōm, Jisōs Kraist, bwe kwōn kōjerammōn im kokwojarjar bilawā in ñōn an ro otemjej rej bōke mōttan, bwe ren maroñ mōñā ilo ememej enbwinin Nejōm, im kakirmol ñōn Kwe, O Anij, Jemem Indreo, bwe ren likit ioir etan Nejōm, im kememej E ien otemjej im kejbarok kien ko An, ko Ear lilok ñōn ir; bwe Jitōb eo An en maroñ bedibeir ien otemjej. Amen (K&K 20:77 im Moronai 4).

Jar eo an dren ej kōman einwōt in:

O Anij, Jemem Indreo, kemij kajitōk Ibam ilo etan Nejōm, Jisōs Kraist, bwe kwon kōjerammōn im kokwojarjar dren in ñōn an ro otemjej rej idrak ie, bwe ren maroñ kōmōne ilo air ememej bōtōktōkin Nejōm, eo ear toorlok kin ir; bwe ren maroñ kōkirmol ñōn Kwe, O Anij, Jemem Indreo, bwe ren kememej E ien otemjej, bwe Jitōb eo An en maroñ bed ibeir. Amen (K&K 20:79 im Moronai 5).

Kwojkwoj eo ej aikuij in emakit jen table eo ilo ien eo emōkaj tata elkin jar. Jabrewōt bwein bilawe remaroñ in kañi.

Kōjeramane im ajeje kwojkwoj eo rej aikuij maroñ eo jen eo eutie (presiding authority).

Kōjeraman Oil

Juōn eman (ak elōñ lok) eo ej kabwijer Melchizedek Pristhood ej kōjeraman olive oil eo ñan un eo ekwojarjar ñan kabit ro ri nañinmij im jorren. Eo ej kōjerammōn oil eo:

1. Jibwe juōn nien olive oil eo im ebelok mejen.
2. Ej ba ñan Jemedwōj Ilañ.
3. Ej ba bwe kin kajur eo an Melchizedek Pristhood.
4. Ej kōjeraman oil eo (ejab men eo nien) im ej kejenolok ñan kabit ro ri nañinmij im jorren.
5. Kili ilo etan Jisōs Kraist.

Kōjeraman Ñan Ro ri Nañinmij



Eman ro wōt rej kabwijer Melchizedek Pristhood eo remaroñ kōmmane kōjeraman eo ñan ro re nañinmij ak jorren. Ekkā an ruo ak elōñlok kōmane kōjeraman in, ak juōn emaroñ kōmane make ian. Elañe ejelok oil eo emōj kōjonolok e, juōn armej eo ej kabwijer Melchizedek Pristhood emaroñ lelok kōjeraman kin kajur eo an pristhood eo.

Juōn jemen eo ej kabwijer Melchizedek Pristhood eo ej aikuij lelok kōjeraman ñan ro uan Baamle eo im rej nañinmij. E maroñ kajitōk iben bar juōn eman eo ej kabwijer Melchizedek Pristhood eo bwe en jibañ e.

Kōjeraman in ñan ri nañinmij ewōr ruo mwañōn: (1) kabiti kin oil eo im (2) kabin (sil) ekabit eo.

Kabiti kin Oil

Juōn eman eo ej kabwijer Melchizedek Pristhood eo ej kabiti armej eo enañinmij. Ñan kōmane wewein in ej:

1. Ej likit juōn biliñliñ in oil eo emōj kōjonolok ion bōran armej eo.
2. Ej likit pein ion bōran armej eo im kir likio in etan armej eo.
3. Ej ba bwe ej kabiti armej eo kin maroñ eo an Melchizedek Pristhood.
4. Ej ba bwe ej kabiti kin oil eo me emōj kōjonolok ñan kabit im kōjerammōn eo enañinmij im ewōr jorran ilo enbwinin.
5. Ej kili ilo etan Jisōs Kraist.

Liabe Ekabit eo

Ewōr ruo ak elōn lok eman ro rej kabwijer Melchizedek Prishood eo rej likit peir ion bōran armej eo enañinmij. Juōn ian eman rein ej liabe (sil) ekabit eo. Nān kōmane men in, ej:

1. Ej kir likieo in etan armej eo.
2. Ej ba bwe ej liabe ekabit eo kin kajur eo an Melchizedek Prishood.
3. Ej lelok kōjeraman einwōt an Jitōb tel e.
4. Ej kili ilo etan Jisōs Kraist.

Kōjeraman Ko An Jemed Im Kōjeraman Ko Nān Kaineman Im Kabilōk



Kōjeraman ko an jemen im bar ko an prishood eo rej nān kwalok ial im kaineman einwōt an Jitōb tel.

Juōn jemen eo ej kabwijer Melchizedek Prishood eo emaroñ lelok kōjeraman ko nān ro nejier. Kōjeraman kein remaroñ lukkun jibañ ne ajiri eo ej etal jen ijokin, einwōt ilok nān jikuul, kōmane mijen eo an, ak elañe rej jino jermal, belele, dreloñe jikin tarinae ko,

ak bed ilo wewein ko rebin none. Kōjeraman kein remaroñ einwōt juōn menin kajur nān juōn Baamle. Juōn Baamle emaroñ rekote kōjeraman ko an jemeir ilo buk in rekot eo an Baamle eo, ijoke ej jab aikuij in bed ilo rekot ko an Kabuñ. Ro jined in jemed rej aikuij kebran ro nejier bwe ren bōk kōjeraman ko an jemeir ilo ien ko rej aikuij.

Eman ro tellokier im rej kabwijer Melchizedek Prishood eo remaroñ lelok kōjeraman ko nān kaineman im kabilōk nān kōrā ro ibeir, ro jet ilo Baamle eo, im ro jet rej kajitōk ibeir.

Nān lelok kōjeraman eo an jemed, ak bar kōjeraman ko nān kaineman im kabilōk, juōn emman eo ej kabjer Prishood eo an Melkisetek, emaroñ make ian ak ibben bar juōn ak elōn lok ian eman ro tellokier im rej kabwijer Melchizedek Prishood, ej likit pein ion bōran armej eo ej bōk kōjeraman eo. Ejab aikuij wōr oil. Nōn Kōjerammōn rot kein. Eo ej lelok kōjeraman eo ej:

1. Ej kir likieo in etan armej eo.
2. Ej ba bwe ej lelok kōjeraman eo kin kajur eo an Melchizedek Prishood.
3. Ej lelok kōjeraman eo einwōt an Jitōb tel e.
4. Ej kili ilo etan Jisōs Kraist.

Aje Lōb Ko

Juōn armej eo ej aje lōb ej aikuij kabwijer Melchizedek Prishood eo im ej aikuij wōr an maroñ jen *opija eo an prishood eo ej kōmane jar eo*.

Ñan aje juōn lōb, ej:

1. Kir ion etan Jemedwōj Ilañ.
2. Ej ba bwe ej aje lōb eo kin kajur eo an Melchizedek Prishood.
3. Ej aje im kōjeraman ijo lōb eo bed ie einwōt jikin kakije ñan enbwin eo an dri
4. Elañe ekkar, ej jar bwe jikin eo naj kōjbaroke mae ien jerkakbiji.

5. Ej kajitōk iben Iroj bwe en kaine-man Baamle eo im kwalok lōmnak ko jet einwōt an Jitōb tel e.

6. Ej kili ilo etan Jisōs Kraist.

Elañe Baamle eo ej kōnan, juōn armej (juōn eo ej kabwijer Melchizedek Preisthood eo) emaroñ kōman jar iturin lōb eo, ijelokin jar in aje eo.

Bōk men ko Mweien Kabuñ in im Kabukōt Melele ko ilo Bwebwenato eo an Baam̄le

Ri tel ro im member ro jet remaroñ bōki men ko mweien Kabuñ in, ekoba jeje ko rekwojarjar, lajrak in men in ekatak ko, magazine ko an Kabuñ in, nuknuk ko, im nuknuk in tampel ko, men kein remaroñ bōki jen jikin ajej eo an Kabuñ in (*Church Distribution Center*) ak jen jikin jermal eo (*Service Center*), jen jikin ajej eo ilo Salt Lake

(*Salt Lake Distribution Center*), ak remaroñ itok ikijen *Church Official Internet Site* eo, eo ej bed ilo www.lds.org

Melel nōn jermal eo ikijen bwebwenato in Baam̄le ewōr ilo *Church Family History Internet Site*, eo ej bed ilo www.familysearch.org.

THE CHURCH OF
JESUS CHRIST
OF LATTER-DAY SAINTS

MARSHALLESE

